



Broj: JN06-16-4-167-10/24  
Datum: 03.01.2025.godine

U skladu sa članom 100. stav (3) Zakona o javnim nabavkama Bosne i Hercegovine („Sl.list BiH“, broj: 39/14, 59/22 i 50/24), Izjašnjenje Komisije za javne nabavke od 03.01.2025. godine, a rješavajući po žalbi ponuđača „Adut plus“ d.o.o. Banja Luka izjavljenoj na Odluku o izboru najpovoljnijeg ponuđača broj: JN06-16-4-167-5/24 od 19.12.2024. godine u postupku nabavke sigurnosni vatrootporni ormar i sef za potrebe Zavoda, upravnik Zavoda za izvršenje krivičnih sankcija, pritvora i drugih mjera BiH, d o n o s i:

### RJEŠENJE

1. Usvaja se žalba ponuđača „Adut plus“ d.o.o. Banja Luka izjavljena na Odluku o izboru najpovoljnijeg ponuđača, broj: JN06-16-4-167-5/24 od 19.12.2024. godine, u postupku javne nabavke sigurnosni vatrootporni ormar i sef za potrebe Zavoda za izvršenje krivičnih sankcija, pritvora i drugih mjera BiH, kao osnovana.
2. Poništava se Odluka o izboru najpovoljnije ponuđača broj: JN06-16-4-167-5/24 od 19.12.2024. godine.
3. Po pravosnažnosti ovog Rješenja ugovorni organ će zakazati održavanje e-aukcije za kvalificirane ponuđače.
4. Ovo Rješenje stupa na snagu danom donošenja i isto će se objaviti na web-stranici Zavoda. Istovremeno Rješenje će se uputiti ponuđačima koji su učestvovali u postupku javne nabavke.

### OBRAZLOŽENJE

Zavod za izvršenje krivičnih sankcija, pritvora i drugih mjera BiH pokrenuo je postupak javne nabavke putem konkurentskog zahtjeva za dostavu ponude za nabavku sigurnosni vatrootporni ormar i sef za potrebe Zavoda za izvršenje krivičnih sankcija, pritvora i drugih mjera BiH, obavještenje o nabavci br.: 24650-7-1-145-3-149/24 su objavljeni 06.12.2024. godine na Portalu javnih nabavki BiH.

Nakon provedenog postupka javne nabavke Ugovorni organ je donio Odluku o izboru najpovoljnijeg ponuđača, broj: JN06-16-4-167-5/24 od 19.12.2024. godine, kojom je izabrana najpovoljnija ponuda ponuđača „Salon bankarske opreme“ d.o.o. Sarajevo.

Odluka o izboru najpovoljnijeg ponuđača, broj: JN06-16-4-167-5/24 od 19.12.2024. godine, u zakonskom predviđenom roku dostavljena je ponuđačima koji su učestvovali u postupku javne nabavke zajedno sa Obavještenjem o rezultatima postupka javne nabavke i Zapisnikom o pregledu i ocjeni ponuda.

Ponuđač „Adut plus“ d.o.o. Banja Luka je blagovremeno podnio žalbu, broj: JN06-16-4-167/24 od 30.12.2024. godine.

Ugovorni organ je prije razmatranja žalbe utvrđivao dokaze o plaćenju naknadi za pokretanje žalbenog postupka, dopuštenost, blagovremenost te da li je žalba izjavljena od ovlaštenog lica, shodno članu 100. stav (1) Zakona o javnim nabavkama BiH, te utvrdio da je ista blagovremena, dopuštena i izjavljena od ovlaštenog lica koje ima aktivnu legitimaciju.

Postupajući po žalbi, razmotreni su navodi iz žalbe, izvršen je uvid u kompletnu dokumentaciju, te je izvršena ponovna analiza dokaza, a u odnosu na navode, te je utvrđeno da je žalba u cijelosti osnovana.

Žalitelj „Adut plus“ d.o.o. Banja Luka pobija odluku o izboru, broj: JN06-16-4-167-5 od 19.12.2024. godine u predmetu nabavke sigurnosni vatrootporni ormar i sef i Zapisnik o pregledu i ocjeni ponuda JN06-16-4-167-10/24 od 19.12.2024. godine jer su isti nezakoniti i doneseni usljed pogrešno i nepravilno utvrđeno činjeničnog stanja i pogrešne primjene ZJN BiH, a koje se sastoje u činjenici da ugovorni organ nije pravilno i potpuno ocijenio prihvatljivost ponude ponuđača „Adut plus“ d.o.o. Banja Luka u dijelu koji se odnosi na tačku 13.2. tenderske dokumentacije.

Ugovorni organ je postupajući po žalbi Žalitelja “Adut plus” d.o.o. Banja Luka ponovo izvršio pregled ponude Žalitelja, te je konstatovao da su žalbeni navodi u cijelosti osnovani.

Imajući u vidu prethodno navedeno, a zbog činjenice da je postupak javne nabavke strogo formalan postupak i da je uložena žalba ponuđača “Adut plus“ d.o.o Banja Luka osnovana, te je odlučeno kao u dispozitivu rješenja.

## **POUKA O PRAVNOM LIJEKU**

Protiv ovog Rješenja Ugovornog organa može se izjaviti žalba Uredu za razmatranje žalbi Bosne i Hercegovine, putem Ugovornog organa u pisanoj formi direktno ili preporučenom poštanskom pošiljkom, najkasnije u roku od 10 (deset) dana od dana prijema ovog Rješenja.

Dostaviti:

- učesnicima
- a/a

**U P R A V N I K**

**Siniša Perković**

